



Inatsisartuni ilaasortaq Sofie Geisler, Inuit Ataqtigiit
/ MAANI

Qeqertarsuup Tunuani aalisarfiit pisassiivigineqanngitsut pillugit § 37 naapertorlugu apeqqummut 173-2019-imut akissut

Dato: 6-5-2019
Sags nr.: 2019-10204
Akt. nr.:

Inatsisartut suleriaasianni § 37, imm. 1 naapertorlugu Qeqertarsuup Tunuani aalisarfiit pisassiivigineqanngitsut pillugit Naalakkersunut apeqquteqarputit. Apeqqutit akissutinni innersuussutigaaqka.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Naalakkersuisunut apeqqutit

1. §37_152/2019, apeqqut 2-mut akissummini Naalakkersuisut allapput:
“Tulaanneqartut agguaqatigiissillugu angissusaat, aalisartut angallamminni allattuivii malillugit oqummersamut ataatsimut aalisakkat pisaasartut kiisalu uumassusilerituut kilisaatinik qassutinillu misissuinerinit piffissami pineqartumi aalisagaqatigiit milliartulersimasut takuneqarsinnaavoq. Aalisagaqatigiit milleriarangamik annerit utoqqaanerillu ikileriarnerinut takussutissaasarpoq, taamaattumillu aalisakkat tulaanneqartut mikinerusarput. Pisassiissutitaqanngitsunik aalisarneq Oeqertarsuup Tunuani aalisarnermut tamarmut ilaammat pisassiissutitaqanngitsunik aalisarneq aalisagaqatigiit ikiliartornerannut aamma peqqutaqaataavoq.”

- Naalakkersuisut naliliippat Qeqertarsuup Tunuani killersugaanngitsunik aalisarfiusumi qaleralinniarneq aalisapilutsitsinermik kinguneqartumik aalisarfiusoq?

Akissut: Siusinnerusukkut nalunaarutigineqareernikutut Naalakkersuisut isumaqarput Qeqertarsuup Tunuani aalisarfinni pisassiivigineqanngitsuni aalisapiluttoqanngitsuoq.

2. Naalakkersuisut Qeqertarsuup Tunuani pisassiissutitaqanngitsunik aalisarnerup atorunnaarsinnissaa suli isumaliutersuutigivaat?

Akissut: Naalakkersuisut ukiumit ukiumut aalisarnerup ineriartornera nalilersortuarpaat, maannakkullu Qeqertarsuup Tunuani aalisarfiit pisassiivigineqanngitsut pillugit aalajangersimasuni tamanut tunngasunik isumaliuteqarlutik.

3. Apeqqut 2-umut akissut aappiuppat: Qeqertarsuup Tunuani killilersuiffiginertaqanngitsunik aalisartitsineq qaqugu atorunnaarsissallugu Naalakkersuisut pilersaaruteqarpat?

Akissut: Apeqqummut 2-mut akissut innersuussutigineqarpoq.

4. Apeqquut 2-umut akissut naamiuppat: Suna tunngavigalugu Qeqertarsuup Tunuani killilersuiffiginertaqanngitsumik aalisartitsineq Naalakkersuisut atorunnaarsinniingilaat?

Akissut: Apeqquummut 2-mut akissut innersuussutigineqarpoq.

5. Kvotalersuinani aalisartitsineq Qeqertarsuup Tunuani maannamut ingerlanneqartoq MCS –mik meqqilersuinermit qanoq sunniuteqarpa?

Akissut: Aqutsiveqarfimmi Qeqertarsuup Tunuani sumiiffiit iluanni aalisartoqartillugu avataani qalerallinniarnermit MSC-mik meqqilersuinermit maannakkut atuuttumut sunniuteqanngilaq. Aqutsiveqarfimmi Upernavimmi, Ummannami aamma Qeqertarsuup Tunuani akuersissut atuutinngilaq, aqutsiveqarfimmi taakkunani pingasuni qalerallit avataani qaleraleqarfimmit allanit immikkoorput.

Aalisarnermilli inuussutissarsiuteqartut paasissutissiinerat malillugu Qeqertarsuup Tunuani sinerissap qanittuani qalerallinniarnermik maannakkutut sumiiffimmi pisassiiffiit siunissami atuutissappata MSC-mik meqqilersuisinnaanissaaq ajornassasoq naatsorsuutigisariaqarpoq.

Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalakkersuisoq